



Broj: 01/1-50-1-1-62/09  
Sarajevo, 11.2.2009. godine

## Z A P I S N I K

### 62. sjednice Ustavnopravne komisije

Sjednica je održana 11. 2. 2009. , s početkom u 10 sati.

Sjednici su prisustvovali članovi Komisije: Šefik Džaferović, Lazar Prodanović, Momčilo Novaković, Drago Kalabić, Martin Raguž, Velimir Jukić i Adem Huskić.

Sjednici nisu prisustvovali članovi Komisije Ekrem Ajanović i Halid Genjac.

Osim članova Komisije, sjednici su prisustvovali predstavnici: Ministarstva pravde BiH Jusuf Halilagić, Milana Popadić, Bisić Mustafa, Ministarstva komunikacija i transporta BiH Nermin Višća, Kojo Koprivica i Milanka Sudžum, Agencije za javne nabavke Dženita Fočo i Šećibović Belma, OHR-a Maja Ribar, OSCE-a Amra Zorlak i Eva Schmidt te Sektora za odnose s javnošću PSBiH Medina Delalić.

Sjednici su prisustvovali sekretar Komisije Igor Bajić i stručni savjetnik u Komisiji Nedžad Salman.

Komisija je jednoglasno usvojila sljedeći

### D N E V N I R E D

1. Usvajanje Zapisnika 61. sjednice Komisije, održane 30.1.2009. godine;
2. Prijedlog zakona o javnim nabavkama, predlažać: Vijeće ministara BiH (**usklađenost s Ustavom BiH i pravnim sistemom u skladu s članom 103. Poslovnika Doma**);
3. Prijedlog zakona o prijevozu opasnih materija, predlažać: Vijeće ministara BiH (**usklađenost s Ustavom BiH i pravnim sistemom u skladu s članom 103. Poslovnika Doma**);
4. Prijedlog zakona o poštama BiH predlažać: Vijeće ministara BiH (**usklađenost s Ustavom BiH i pravnim sistemom u skladu s članom 103. Poslovnika Doma**);
5. Prijedlog zakona o krivičnoj odgovornosti maloljetnih učinilaca krivičnih dijela i krivičnopravnoj zaštiti djece i maloljetnika, predlažać: Vijeće ministara BiH (**postupak u nadležnoj komisiji u skladu s članom 110. Poslovnika Doma**);
6. Prijedlog zakona o službenom glasilu BiH, predlažać: poslanik Adem Huskić (**postupak u nadležnoj komisiji u skladu s članom 110. Poslovnika Doma**);
7. Prijedlog zakona o advokaturi, predlažać: Vijeće ministara BiH (**donošenje odluke o organizovanju javne rasprave u skladu s članom 114. Poslovnika Doma**);
8. Prijedlog zakona o izmjenama i dopunama Zakona BiH o izvršenju krivičnih sankcija, pritvora i drugih mjera (**donošenje odluke o organizovanju javne rasprave u skladu s članom 114. Poslovnika Doma**);
9. **Ostala pitanja:**
  - Izvještaj o radu Komisije za 2008. godinu (**razmatranje izvještaja u skladu s članom 31. stav (2) Poslovnika Doma**);
  - Akt Ministarstva za ljudska prava i izbjeglice BiH u vezi sa zaključnim napomenama UN Komiteta za građanska i politička prava broj 01/1,02/1-50-2-1253/08 od 20.11.2008. godine;
  - Utvrđivanje prijedloga i mišljenja za Orijentacioni radni plan Predstavničkog doma Parlamentarne skupštine Bosne i Hercegovine - Dopis predsjedavajućeg Doma broj 0150-1-14-40/09 od 26.1.2009. godine (**razmatranje dopisa u skladu s članom 60. stav (2) Poslovnika Doma**).

**Ad.1. Usvajanje Zapisnika 61. sjednice Komisije, održane 30.1.2009. godine;**

S obzirom da nije bilo rasprave, Komisija je jednoglasno usvojila Zapisnik 61. sjednice.

**Ad.2. Prijedlog zakona o javnim nabavkama, predlažać: Vijeće ministara BiH (usklađenost s Ustavom BiH i pravnim sistemom u skladu s članom 103. Poslovnika Doma);**

Komisija je nakon rasprave, sa pet glasova „za“, bez glasova „protiv“ i dva „suzdržana“ glasa, utvrdila:

- Postoji valjan ustavnopravni osnov za donošenje Zakona;
- Prijedlog zakona je usklađen s Ustavom i pravnim sistemom.

**Ad.3. Prijedlog zakona o prijevozu opasnih materija, predlagač: Vijeće ministara BiH (usklađenost s Ustavom BiH i pravnim sistemom u skladu s članom 103. Poslovnika Doma);**

Komisija je nakon rasprave, sa četiri glasa „za“, dva glas „protiv“ i jednim „suzdržanim“ glasom, utvrdila:

- Postoji valjan ustavnopravni osnov za donošenje Zakona;
- Prijedlog zakona je usklađen s Ustavom i pravnim sistemom.

**Ad.4. Prijedlog zakona o poštama BiH predlagač: Vijeće ministara BiH (usklađenost s Ustavom BiH i pravnim sistemom u skladu s članom 103. Poslovnika Doma);**

Komisija je nakon rasprave, sa šest glasova „za“, bez glasova „protiv“ i jednim „suzdržanim“ glasom, utvrdila :

- Postoji valjan ustavnopravni osnov za donošenje Zakona;
- Prijedlog zakona je usklađen s Ustavom i pravnim sistemom.

**Ad.5. Prijedlog zakona o krivičnoj odgovornosti maloljetnih učinilaca krivičnih djela i krivičnopravnoj zaštiti djece i maloljetnika, predlagač: Vijeće ministara BiH (postupak u nadležnoj komisiji u skladu s članom 110. Poslovnika Doma);**

Predsjedavajući je otvorio raspravu u kojoj su učestvovali predstavnica Ministarstva pravde BiH Milana Popadić i članovi Komisije Drago Kalabić, Adem Huskić i Šefik Džaferović.

Na Prijedlog zakona o maloljetnim počiniocima krivičnih djela i krivičnopravnoj zaštiti djece i maloljetnika amandmane su podnijeli poslanici: Sefer Halilović, Bakir Izetbegović i Šefik Džaferović.

Komisija je jednoglasno usvojila sljedeće amandmane:

**AMANDMAN I.**

Iza člana 4. dodaje se novi član 5. koji glasi:

„Član 5.

(Osnovni pojmovi)

Osim ako ovim zakonom nije drugačije određeno, pojedini izrazi upotrijebljeni u ovom zakonu imaju sljedeće značenje:

a) „posebna pravila“ odnose se na uređenje sistema maloljetničkog pravosuđa koje čine brojne komponente: lica koja su u njega uključena, način na koji rade, procedure, objekte itd. Aspekti provođenja maloljetničkog pravosuđa odnose se i na način na koji policija djecu lišava slobode; kako se djeca ispituju; način postupanje tužilaca, advokata i sudija; način na koji sudije donose i izriču sankcije i druge mjere; način na koji osoblje u institucijama provodi tretman; smještaj; obrazovanje; rekreativne i sigurnosne uslove u institucijama, kao i programe rehabilitacije i reintegracije. Izraz „maloljetničko pravosuđe“ obično označava pravosudni sistem uspostavljen za djecu za koju se tvrdi ili je utvrđeno da su počinila neko krivično djelo i na opći način definira zaštita i promoviraju prava djeteta na pravedan tretman.

b) „dijete“ je svako lice koje nije navršilo 18 godina života.

- c) „maloljetnik“ je dijete ili mlado lice s kojim se, prema važećim pravnim sistemima, shodno počinjenom djelu, može postupati na način koji se razlikuje od načina postupanja s odraslim licima. Prema zakonu, to je dijete koje je navršilo 14, a nije navršio 18 godina života.
- d) „mlađi maloljetnik“ je dijete koje je navršilo 14, a nije navršilo 16 godina života.
- e) „stariji maloljetnik“ je dijete koje je navršilo 16, a nije navršilo 18 godina života.
- f) „mlađe punoljetno lice“ je lice koje je navršilo 18, a nije navršilo 21 godinu života i čiji razvoj nije na tom nivou da bi se moglo smatrati punoljetnim licem.
- g) „djeca u sukobu sa zakonom“ je termin koji pokazuje da su djeca u kontaktu s krivičnopравnim sistemom zbog toga što su osumnjičena, optužena ili osuđena za krivično djelo; „mladi u sukobu sa zakonom“ je alternativni termin kojim mogu biti obuhvaćena i mlađa punoljetna lica jer riječ „mladi“ nema jasno određenu starosnu granicu.
- h) „maloljetni počinitelj krivičnog djela; maloljetnik u sukobu sa zakonom; maloljetni prijestupnik“ su izrazi koji se odnose na maloljetnika bez obzira da li je osumnjičen, optužen ili osuđen za krivično djelo.
- i) „tužilac za maloljetnike“ je tužilac koji ima afinitet za rad s djecom i specijalna znanja o pravima djeteta i prijestupništvu mladih, kao i druga znanja i vještine koje ga čine kompetentnim za rad na slučajevima maloljetničkog prijestupništva.
- j) „sudija za maloljetnike“ je sudija koji ima sklonost za rad s djecom i specijalna znanja iz oblasti prava djeteta i prijestupništva mladih, kao i druga znanja i vještine koje ga čine kompetentnim za rad na slučajevima maloljetničkog prijestupništva.
- k) „stručni savjetnici“ suda i tužilaštva su socijalni pedagozi-defektolozi, socijalni radnici i psiholozi koji imaju aktivnu ulogu u predmetima maloljetničkog prijestupništva: daju stručno mišljenje, prikupljaju potrebne podatke, vode evidencije i obavljaju i druge poslove po nalogu tužioca i sudije za maloljetnike.
- l) „organ starateljstva“ je centar za socijalni rad ili tamo gdje nije formiran centar za socijalni rad, odgovarajuća općinska služba socijalne zaštite koja ima ista prava i dužnosti prema djeci u sukobu sa zakonom i sprečavanju društveno neprihvatljivog ponašanja.
- m) „centar za socijalni rad“ je organ starateljstva i socijalne zaštite.
- n) „socijalna anamneza“ predstavlja nalaz i mišljenje koje socijalni radnik dostavlja na zahtjev tužioca i sudije za maloljetnike i sadrži podatke o identitetu i ličnosti maloljetnika, razloge zbog kojih je došlo do prikupljanja podataka, analizu prikupljenih podataka, podatke o porodici, socijalnu dijagnozu i prognozu, te i prijedlog mjera koje treba preduzeti.
- o) „fizički razvoj“ pojedinca označava stepen usklađenosti visine, težine i drugih fizičko-fizioloških karakteristika pojedinca s utvrđenim normama za ciljani uzrast.
- p) „mentalni razvoj“ odnosi se na promjene u mentalnom funkcioniranju od oživljavanja fetusa do smrti jedinke, ili neki dio tih promjena. Mentalni razvoj posljedica je učenja i sazrijevanja, s tim što u ranijim uzrastima preovladava zrenje, a u starijim učenje.
- q) „kognitivni razvoj“ (lat. Cognitio: saznanja) odnosi se na razvoj saznanja i podrazumijeva psihički proces kojim ličnost postaje svjesna činjenica iz svoje vanjske i djelimično unutrašnje stvarnosti. Odvija se kroz percipiranje, pažnju, rasuđivanje, memorisanje i reprodukciju opaženog.
- r) „osjetljiva grupa djece“ podrazumijeva djecu kojoj treba osigurati poseban tretman, aktivnosti i mjere zaštite, kao što su: djeca u sukobu sa zakonom, beskućnici, djeca bez roditelja, djeca s posebnim potrebama, djeca manjina, imigranti itd.
- s) „odgojne preporuke“ predstavljaju oblik alternativnih mjera koje tužioci i sudije za maloljetnike, na osnovu principa oportuniteta, primjenjuju prema maloljetnom počiniocu krivičnog djela tako vršeći skretanje (diverziju) s uobičajenog krivičnog postupka.
- t) „lišenje slobode“ je oblik zatvaranja ili pritvaranja ili smještaja u javnu ili privatnu zatvorenu instituciju naredbom suda, administrativnog ili drugog organa vlasti, lica koje je mlađe od 18 godina tako da ne može izaći. U ovom smislu lišenjem slobode smatra se i smještaj maloljetnog počinioca krivičnog djela u zdravstvenu ili socijalnu ustanovu.
- u) „pripremni postupak“ obuhvata aktivnosti preduzete od tužioca ili ovlaštenog službenog lica u skladu s ovim zakonom, uključujući prikupljanje i čuvanje izjava i dokaza.
- v) „prihvatište za djecu i maloljetnike“ su ustanove socijalne zaštite čiji osnovni zadatak je prihvatanje, privremeno zbrinjavanje i opservacija, a u koju maloljetni počinitelj krivičnog djela može biti smješten po odluci suda umjesto pritvora.

w) „resocijalizacija“ je proces koji podrazumijeva preduzimanje sistematske, planske i organizirane aktivnosti društva s ciljem osposobljavanja maloljetnika da ubuduće poštuje društvene norme i pravila kako više ne bi dolazio u sukob sa zakonom i postao koristan član društvene zajednice.“

#### AMANDMAN II.

Članovi 5. i 6. postaju članovi 6. i 7.

#### AMANDMAN III.

Član 7. postaje član 8., koji se mijenja i glasi:

„Član 8.  
(Nadležnost)

- (1) Za sva krivična djela koja počini maloljetnik nadležan je da odlučuje sud prvog stepena.
- (2) Sud drugog stepena nadležan je da odlučuje o žalbama protiv odluka prvostepenih sudova, osim u slučajevima iz člana 63. stav (2) (Spajanje i razdvajanje postupka) ovog zakona, kada sude u prvom stepenu.
- (3) Trećestepeno vijeće sastavljeno od trojice sudija sudi u slučaju predviđenom članom 10. stav (4) ovog zakona.“

#### AMANDMAN IV.

Član 8. postaje član 9. i u stavu (1) riječi: „vijeća za maloljetnike“ mijenjaju se riječima: „stručnih savjetnika“.

U istom članu stav (2) mijenja se i glasi:

„(2) U sudovima prvog i drugog stepena postoji vijeće za maloljetnike sastavljeno od trojice sudija (vanraspravno vijeće).“

#### AMANDMAN V.

Član 9. postaje član 10. i mijenja se i glasi:

„Član 10.  
(Sastav suda i tužilaštva)

- (1) U prvom stepenu sudi sudija za maloljetnike za sva krivična djela počinjena u vrijeme maloljetstva bez obzira na zapriječenu kaznu.
- (2) Kad sudi u drugom stepenu (član 8. stav (2) ovog zakona), vijeće za maloljetnike apelacionog odjeljenja sastavljeno je od trojice sudija određenih rasporedom poslova u tom sudu koji imaju posebna znanja iz oblasti prava djeteta i prijestupništva mladih.
- (3) U vijeću sastavljenom od trojice sudija krivičnog odjeljenja koji imaju posebna znanja iz oblasti prava djeteta i prijestupništva mladih, odlučuju o žalbama protiv odluka sudije za maloljetnike i donose druge odluke izvan sjednice ili glavnog pretresa, kada je to određeno ovim zakonom i kada je to propisano odredbama Zakona o krivičnom postupku (vanraspravno vijeće).
- (4) U vijeću sastavljenom od trojice sudija krivičnog odjeljenja koji imaju posebna znanja iz oblasti prava djeteta i prijestupništva mladih, u trećem stepenu odlučuju povodom žalbe izjavljene protiv drugostepene odluke (član 100.).
- (5) Ako nije moguće u potpunosti sastaviti vijeće trojice sudija s potrebnim znanjem (član 11.), osigurat će se da najmanje jedan sudija ima posebna znanja iz oblasti prava djeteta i prijestupništva mladih.
- (6) Sastav vijeća za maloljetnike, po pravilu, čine sudije koje nisu istog spola.“

#### AMANDMAN VI.

Članovi 10., 11., i 12., postaju članovi 11., 12., i 13.

#### AMANDMAN VII.

Član 13. postaje član 14., mijenja se i glasi:

„Član 14.  
Stručni savjetnici

- (1) Sudovi i tužilaštva imaju stručne savjetnike: socijalne pedagoge-defektologe, socijalne radnike i psihologe.
- (2) Stručni savjetnici tužilaštva u toku pripremnog postupka prema maloljetniku prikupljaju podatke o ličnosti maloljetnika, prikupljaju podatke potrebne tužiocu za donošenje odluke o svrsishodnosti pokretanja postupka prema maloljetniku, kao i opravdanosti predlaganja izricanja odgojne preporuke, posebnih obaveza i obustave pripremnog postupka prema maloljetniku. Stručni savjetnici suda na sjednici ili na glavnom pretresu daju stručno mišljenje o vrsti sankcije koju bi bilo opravdano izreći;

prikupljaju podatke o uspješnosti izvršenja odgojne mjere i daju mišljenje tužiocu, sudiji ili vijeću za maloljetnike o potrebi obustave ili zamjene odgojne mjere.“

#### AMANDMAN VIII.

Iza člana 14. dodaje se novi član 15. i glasi:

„Član 15.

Odjeljenje za maloljetnike pri tužilaštvu

U tužilaštvima postoje odjeljenja za maloljetnike koja se sastoje od jednog ili više tužilaca za maloljetnike i jednog ili više stručnih savjetnika.“

#### AMANDMAN IX.

Član 14. postaje član 16., mijenja se i glasi:

„Član 16.

(Uslovi primjene odgojnih preporuka)

(1) Prema maloljetnom počiniocu krivičnog djela mogu se primijeniti odgojne preporuke za krivična djela za koja je propisana novčana kazna ili kazna zatvora do pet godina, a za krivična djela za koja je zapriječena kazna preko pet godina, ako su ispunjeni uslovi iz člana 70. stav (1) ovog zakona i ako je to srazmjerno s okolnostima i težinom počinjenog krivičnog djela.

(2) Odgojnih preporuke mogu se primijeniti uz uslov da:

- a) maloljetnik prizna krivično djelo;
- b) je priznanje dato slobodno i dobrovoljno;
- c) postoji dovoljno dokaza da je maloljetnik počinio krivično djelo;
- d) maloljetnik izražava spremnost za pomirenje sa oštećenim;
- e) maloljetnik u pisanoj formi da pristanak za primjenu odgojne preporuke, a mlađi maloljetnik i uz pristanak roditelja ili staratelja;
- f) da u pisanoj formi pristanak da i oštećeni u slučaju kad se to po zakonu zahtijeva.“

#### AMANDMAN X.

Član 15. postaje član 17.

#### AMANDMAN XI.

Član 16. postaje član 18. i u stavu (1) tačka e) se briše, a tačke f) i g) postaju tačka e) i f).

Stavovi (2) i (3) mijenjaju se i glase:

„(2) Tužilac za maloljetnike i sudija za maloljetnike mogu u konkretnom slučaju odrediti primjenu jedne ili više odgojnih preporuka iz stava (1) ovog člana.

(3) Prilikom primjene odgojne preporuke iz stava (1) tačka a) i b) ovog zakona, pored maloljetnika, svoj pristanak u pisanoj formi dat će i lice oštećeno krivičnim djelom. U ovom slučaju posredovanje između maloljetnika i oštećenog provodi se po pravilima medijacije.“

U istom članu dodaje se novi stav (4) koji glasi:

„(4) Detaljnije propise o primjeni odgojnih preporuka i provođenja medijacije donosi Vijeće ministara BiH, na prijedlog ministra pravde BiH.“

#### AMANDMAN XII.

Član 17. postaje član 19.

#### AMANDMAN XIII.

Član 18. postaje član 20. i u stavu (4) broj člana "49." mijenja se brojem " 51.".

#### AMANDMAN XIV.

Član 19., 20., 21., i 22. postaju članovi 21., 22., 23. i 24.

#### AMANDMAN XV.

Član 23. postaje član 25. i mijenja se i glasi:

„Član 25.

(Posebne obaveze)

(1) Sud može maloljetniku izreći jednu ili više posebnih obaveza, ako ocijeni da je odgovarajućim nalogima ili zabranama potrebno uticati na maloljetnika i njegovo ponašanje.

(2) Sud maloljetniku može izreći obavezu da:

- a) redovno pohađa školu;
- b) ne izostaje s posla;
- c) se osposobljava za zanimanje koje odgovara njegovim sposobnostima i sklonostima;
- d) se uključi u rad humanitarnih organizacija ili poslove socijalnog ili ekološkog sadržaja;

- e) se suzdrži od posjećivanja određenih lokala, odnosno priredbi i klona društva i/ili određenih lica koja na njega mogu štetno uticati;
- f) se, uz saglasnost zakonskog zastupnika, podvrgne stručnom medicinskom postupku ili postupku odvikavanja od droge ili drugih ovisnosti;
- g) se uključi u pojedinačni ili grupni rad u savjetovanište za mlade;
- h) učestvuje na kursovima za stručno osposobljavanje ili da se priprema i polaže ispite na kojima se provjerava određeno znanje;
- i) se uključi u određene sportske i rekreativne aktivnosti;
- j) bez posebnog odobrenja centra za socijalnu zaštitu, uz saglasnost suda, ne može napustiti mjesto prebivališta ili boravišta.

(3) Pri izboru pojedinih obaveza sud će voditi računa o spremnosti maloljetnika da saraduje u njihovom ostvarivanju, kao i o tome da one budu prilagođene njemu i uslovima u kojima živi.

(4) Izrečene obaveze mogu trajati najduže godinu dana.

(5) U okviru obaveze iz stava (2) tačka d) ovog člana, maloljetnik može raditi najviše 120 sati u periodu od šest mjeseci, koliko može trajati ova posebna obaveza, ali tako da ne ometa njegovo školovanje ili zaposlenje i ne šteti njegovom zdravlju.

(6) Nadzor nad izvršenjem posebnih obaveza provodi sud koji o tome može tražiti izvještaj i mišljenje organa socijalne zaštite.

(7) Sud može, dok traje izvršenje obaveze, izmijeniti ili obustaviti od izvršenja izrečenu obavezu.

(8) Kada izriče ovu mjeru, sud će posebno ukazati maloljetniku i njegovim roditeljima, usvojiocu, odnosno staratelju da se, u slučaju nemogućnosti ispunjenja jedna ili više posebnih obaveza, mogu zamijeniti drugim obavezama, a u slučaju kad maloljetnik posebne obaveze ne izvršava bez opravdanog razloga, da može biti upućen u odgojni centar.

(9) Detaljniji propis o primjeni posebnih obaveza prema maloljetnim počiniocima krivičnih djela donosi Vijeće ministara BiH, i to na prijedlog ministra pravde BiH.“

#### **AMANDMAN XVI.**

Član 24. postaje član 26. i u stavovima (4) i (5) riječ „disciplinski“ mijenja se riječju „odgojni“.

#### **AMANDMAN XVII.**

Članovi 25., 26. i 27. postaju članovi 27., 28. i 29.

#### **AMANDMAN XVIII.**

Član 28. postaje član 30. i u stavu (1) brojevi: „25., 26., 27. i 23.“ mijenjaju se brojevima „27., 28., 29. i 25.“ u stavu (2) broj „23.“ mijenja se brojem „25“.

#### **AMANDMAN XIX.**

Član 29. postaje član 31. i u stavu (2) broj „33.“ mijenja se brojem „35“.

#### **AMANDMAN XX.**

Član 30. postaje član 32. i u stavu (3) broj „33.“ mijenja se brojem „35“.

#### **AMANDMAN XXI.**

Član 31. postaje član 33. i u stavu (2) broj člana „23.“ mijenja se brojem „25“.

#### **AMANDMAN XXII.**

Članovi od 32. do 35. postaju članovi 34. do 37.

#### **AMANDMAN XXIII.**

Član 36. postaje član 38. i u stavu (1) broj „28.“ mijenja se brojem „30“.

#### **AMANDMAN XXIV.**

Članovi 37. i 38. postaju članovi 39. i 40.

#### **AMANDMAN XXV.**

Član 39. postaje član 41. i u stavu (1) u prvom redu iza riječi "zatvora", dodaju se riječi: "koja se izriče maloljetnom počiniocu krivičnog djela", a riječi: "kraća od šest mjeseci ni" brišu se.

#### **AMANDMAN XXVI.**

Član 40. postaje član 42. i u stavu (1) broj „39.“ mijenja se brojem „41“.

#### **AMANDMAN XXVII.**

Član 41. postaje član 43. i u stavu (1) broj „23.“ mijenja se brojem „25“.

#### **AMANDMAN XXVIII.**

Član 42. postaje član 44. i u stavu (1) broj „23.“ mijenja se brojem „25“

#### **AMANDMAN XXIX.**

Članovi od 43. do 48. postaju članovi 45. do 50.

**AMANDMAN XXX.**

Član 49. postaje član 51., mijenja se i glasi:

„Član 51.

Vrste i izricanje sigurnosnih mjera

(1) Prema maloljetniku mogu se izreći ove sigurnosne mjere:

- a) obavezno psihijatrijsko liječenje;
- b) obavezno liječenje od ovisnosti;
- c) obavezno ambulantno liječenje na slobodi i
- d) oduzimanje predmeta.“

(2) Maloljetniku kojem je izrečena odgojna mjera ili kazna maloljetničkog zatvora mogu se, pod uslovima propisanim zakonom, izreći jedna ili više sigurnosnih mjera.

(3) Kad je god to moguće, mjere liječenja na slobodi imat će prednost nad smještajem maloljetnika u zdravstvenu ustanovu radi provođenja mjera sigurnosti obaveznog psihijatrijskog liječenja i obaveznog liječenja od ovisnosti.“

**AMANDMAN XXXI.**

Član 50. postaje član 52.

**AMANDMAN XXXII.**

Član 51. postaje član 53. i u stavu (1) broj "38." mijenja se brojem "40".

**AMANDMAN XXXIII.**

Članovi 52. i 53. postaju članovi 54. i 55.

**AMANDMAN XXXIV.**

Član 54. postaje član 56. i u stavu (2) brojevi "58., 63., 64., 76., 84. i 85." mijenjaju se brojevima "60., 65., 66., 85., 93. i 94.".

**AMANDMAN XXXV.**

Član 55. postaje član 57., mijenja se i glasi:

„Član 57.

(Primjena zakonskih odredbi prema djeci)

(1) Kad ovlašteno službeno lice prethodno utvrdi da osnovano sumnjivo lice nije navršilo 14 godina, neće ga ispitati nego će o tome odmah obavijestiti tužioca za maloljetnike i organ starateljstva. Ovlašteno službeno lice ispitat će dijete i tužiocu podnijeti službeni izvještaj samo u slučaju kada se radi o krivičnom djelu koje je imalo za posljedicu teško narušavanje tjelesnog integriteta drugog lica ili je pricinjena značajna materijalna šteta.

(2) Kad tužilac za maloljetnike utvrdi da osnovano sumnjivo lice nije navršilo 14 godina, donijet će naredbu o nepokretanju krivičnog postupka, a podatke o djelu i počiniocu dostavit će organu starateljstva radi preduzimanja mjera zaštite u okviru njegove nadležnosti.

(3) Kad sud u toku postupka utvrdi da maloljetnik u vrijeme izvršenja krivičnog djela nije navršio 14 godina života, krivični postupak će obustaviti i rješenje dostaviti organu starateljstva radi preduzimanja mjera zaštite u okviru njegove nadležnosti.

(4) O postupanju u smislu stava (2) i (3) ovog člana obavjestit će se podnosilac prijave i oštećeni uz pravnu pouku da svoj imovinskopravni zahtjev može ostvarivati u parničnom postupku“.

**AMANDMAN XXXVI.**

Članovi 56., 57. i 58. postaju članovi 58., 59. i 60.

**AMANDMAN XXXVII.**

Član 59. postaje član 61. mijenja se i glasi:

„Član 61.

(Obavezna odbrana)

(1) Maloljetnik mora imati branioca prilikom prvog saslušanja od tužioca ili ovlaštenog službenog lica, kao i tokom cijelog postupka.

(2) Maloljetnik će imati branioca i onda kad tužilac uslovljava nepokretanje postupka prema maloljetniku ispunjenjem odgojne preporuke iz člana 18. ovog zakona.

(3) Ako sam maloljetnik, njegov zakonski zastupnik ili srodnici ne uzmu branioca, njega će postaviti sudija za maloljetnike na prijedlog tužioca ili po službenoj dužnosti s liste koju su sačinile i sudovima i tužilaštvima dostavile advokatske komore.

(4) Listu branilaca iz stava (3) čine advokati koji imaju poseban interes i iskustvo iz oblasti prava djeteta i maloljetničkog prijestupništva.

#### AMANDMAN XXXVIII.

Član 60. postaje član 62. i iza stava (2) dodaje se novi stav (3) koji glasi:

(3) Kad svjedoči socijalni radnik organa starateljstva, njegovo ispitivanje ne može se odnositi na okolnosti počinjenog djela o kojima je saznao ispitujući maloljetnika u postupku sačinjavanja socijalne anamneze i drugih izvještaja po zahtjevu tužilaštva ili suda.

#### AMANDMAN XXXIX.

Član 61. postaje član 63. mijenja se i glasi:

„Član 63.

(Spajanje i razdvajanje postupka)

(1) Kad je maloljetnik učestvovao u izvršenju krivičnog djela zajedno s punoljetnim licem, postupak prema njemu će se razdvojiti i provesti prema odredbama ovog zakona.

(2) Izuzetno nakon završenog pripremnog i istražnog postupka, a na obrazložen prijedlog tužioca, postupak prema maloljetniku može se spojiti s postupkom protiv punoljetnog lica i provesti prema odredbama Zakona o krivičnom postupku i ovog zakona samo ako je spajanje postupka neophodno za svestrano razrješenje stvari. O spajanju postupka odlučuje sudija za maloljetnike.

(3) U jedinstvenom postupku, suđenje će se provesti pred sudijom za maloljetnike nadležnog suda, odnosno pred vijećem od trojice sudija kojim presjedava sudija za maloljetnike.

(4) Do završetka glavnog pretresa sudija, odnosno vijeće može odlučiti da se iz razloga cjelishodnosti ili drugih opravdanih razloga, postupak razdvoji. Protiv rješenja kojim je odlučeno o spajanju ili razdvajanju postupka žalba nije dozvoljena.

(5) Kad se provodi jedinstven postupak za maloljetnika i punoljetne počinioc, u pogledu maloljetnika će se uvijek primijeniti odredbe člana 60. do 62. (Obazrivo postupanje; Obavezna odbrana; Oslobođanje od dužnosti svjedočenja), člana 65. do 68. (Uloga organa starateljstva; Pozivanje i dostavljanje pismena; Objavljivanje toka krivičnog postupka; Dužnost hitnog postupanja), člana 69. (Mjesna nadležnost), člana 70. (Primjena principa oportuniteta), člana 71. (Razmatranje mogućnosti i opravdanosti izricanja odgojne preporuke), člana 73. do 82. (Lišenje slobode i osnovne odredbe o ispitivanju maloljetnika; Posebna pravila postupanja tokom lišenja slobode; Pritvor; Odlučivanje tužioca nakon dovođenja maloljetnika lišenog slobode; Mjere zabrane; Određivanje pritvora; Trajanje pritvora; Trajanje pritvora nakon okončanja pripremnog postupka; Pritvor nakon izricanja krivičnopravne sankcije; Postupanje prema maloljetniku u pritvoru), člana 83. (Pribavljanje podataka o ličnosti maloljetnika), člana 92. stav (3), (Odlučivanje na glavnom pretresu), i člana 93. (Isključenje javnosti) ovog zakona kad se na glavnom pretresu razjašnjavaju pitanja koja se odnose na maloljetnika, kao i odredbe člana 85. (Smještaj maloljetnika ) člana 94. (Privremeni smještaj maloljetnika ), člana 97. (Troškovi postupka i imovinskopravni zahtjev), člana 101. (Ponavljanje krivičnog postupka) ovog zakona, a ostale odredbe ovog zakona ako njihova primjena nije u suprotnosti s vođenjem jedinstvenog postupka.“

#### AMANDMAN XL.

Članovi 62. i 63. postaju članovi 64. i 65.

#### AMANDMAN XLI.

Član 64. postaje član 66., a u stavu (1) rečenica: "Posebni staratelji imenuju se s posebne liste socijalnih radnika koju utvrđuje organ starateljstva.", mijenja se rečenicom: "Posebnog staratelja imenuje organ starateljstva."

U istom članu stav (2) se briše.

Dosadašnji stav (3) postaje stav (2) i na kraju stava dodaje se rečenica: "Odluke i druga pismena bit će dostavljena i roditeljima, odnosno staratelju maloljetnika.“

#### AMANDMAN XLII.

Članovi 65. i 66. postaju članovi 67. i 68.

#### AMANDMAN XLIII.

Član 67. postaje član 69. i u stavu (1) riječi: „Sudu Bosne i Hercegovine i“, se brišu.

#### AMANDMAN XLIV.

Član 68. postaje član 70. i stav (2) mijenja se i glasi:



"(2) Ako je za donošenje odluke iz stava (1) ovog člana potrebno da se ispituju osobine ličnosti maloljetnika, sud može na obrazložen prijedlog tužioca uputiti maloljetnika u prihvatilište za djecu i omladinu ili odgojnu ustanovu, ali najduže do 30 dana."

U istom članu stav (4) mijenja se i glasi:

"(4) Kad tužilac u slučajevima iz stava (1) i (3) ovog člana nađe da nije cjelishodno pokretanje postupka prema maloljetniku, obavijestit će o tome, uz navođenje razloga, roditelja ili staratelja maloljetnika, organ starateljstva kao i oštećenog."

#### AMANDMAN XLV.

Član 69. postaje član 71. mijenja se i glasi:

„Član 71.

(Razmatranje mogućnosti i opravdanosti primjene odgojne preporuke)

(1) Prije donošenja naredbe za pokretanje pripremnog postupka prema maloljetniku za krivična djela iz člana 70. stav (1) ovog zakona, tužilac je dužan razmotriti mogućnost i opravdanost primjene odgojne preporuke, u skladu s odredbama ovog zakona. Tužilac će o takvoj mogućnosti rješavanja konkretnog slučaja, prirodi, sadržaju, trajanju, posljedicama primjene odgojne preporuke kao i posljedicama odbijanja saradnje, izvršenja i ispunjenja odgojne preporuke, obavijestiti maloljetnika i roditelje ili staratelje.

(2) Kada tužilac za krivična djela iz člana 70. stav (1) ovog zakona ne primjeni odgojnu preporuku, uvijek će dati obrazložene razloge za donošenje takve odluke.

(3) Tužilac za maloljetnike dužan je razmotriti mogućnost i opravdanost primjene odgojne preporuke i za krivična djela za koja je zapriječena kazna teža od pet godina, ako su ispunjeni uslovi iz člana 70. stav (1) ovog zakona i ako je to srazmjerno s okolnostima i težinom počinjenog krivičnog djela.

(4) Ako nakon razmatranja nađe da nema mogućnosti i opravdanja za primjenu odgojne preporuke ili maloljetnik ne prihvati da se na ovakav način riješi konkretan slučaj, tužilac za maloljetnike će na osnovu člana 70. ovog zakona odlučiti o svrsishodnosti vođenja krivičnog postupka.

(5) Ako su ispunjeni uslovi za primjenu odgojne preporuke i nakon što uz saradnju i nadzor organa starateljstva maloljetnik ispuni obavezu preuzetu odgojnom preporukom, tužilac će donijeti naredbu o nepokretanju pripremnog postupka prema maloljetniku i o tome obavijestiti oštećenog s uputstvom da svoj imovinskopravni zahtjev može ostvariti u parničnom postupku, kao i podnosioca prijave.

(6) Ako maloljetnik djelimično ispuni obavezu preuzetu odgojnom preporukom tako da kompenzacija još nije bila primljena putem odgojne preporuke, tužilac može odlučiti na način predviđen u stavu (3) ovog člana kad nađe da pokretanje pripremnog postupka ne bi bilo cjelishodno.

(7) Ako se na osnovu izvještaja organa starateljstva utvrdi da maloljetnik bez opravdanog razloga odbija da ispuni obavezu preuzetu odgojnom preporukom ili je neuredno izvršava, tužilac za maloljetnike donijet će naredbu o pokretanju pripremnog postupka.

(8) Prilikom razmatranja mogućnosti primjene odgojne preporuke, priznanje maloljetnika da je počinio krivično djelo ne može biti korišteno protiv njega u bilo kojem drugom naknadnom postupku.

#### AMANDMAN XLVI.

Član 70. postaje član 72.

#### AMANDMAN XLVII.

Član 71. postaje član 73. mijenja se i glasi:

„Član 73.

(Lišavanje slobode i osnovne odredbe o ispitivanju maloljetnika)

(1) Ovlašteno službeno lice može maloljetno lice lišiti slobode ako postoje osnovi sumnje da je izvršilo krivično djelo i ako postoje razlozi za određivanje pritvora prema maloljetniku predviđeni članom 132. stav (1) tačka a), b) i c) Zakona o krivičnom postupku.

(2) Prilikom lišavanja slobode i tokom boravka maloljetnika u policijskoj stanici svi kontakti ovlaštenog službenog lica s maloljetnikom obavljaju se na način koji u punoj mjeri poštuje ličnost maloljetnika i podržava njegovu dobrobit. Bilo kakvi postupci koji narušavaju fizičko i mentalno zdravlje maloljetnika zabranjeni su.

(3) O lišavanju slobode ovlašteno službeno lice će odmah obavijestiti roditelja ili staratelja maloljetnika, branioca i nadležni organ starateljstva. Ako roditelji ili staratelji maloljetnika nisu dostupni, oni će biti obaviješteni u što kraćem roku.

(4) Ispitivanje maloljetnika vrši tužilac ili ovlašteno službeno lice koji osigurava prisustvo roditelja ili staratelja. Prilikom ispitivanja maloljetnika ne smije se upotrijebiti sila, prijetnja, prijevara, narkotici ili druga sredstva koja mogu uticati na slobodu davanja izjave ili priznanja.

(5) Kada se maloljetnik prvi put ispituje, prije početka ispitivanja ovlašteno službeno lice ili tužilac će maloljetnika u pisanoj formi, a nakon toga i usmeno na maternjem jeziku i na način koji razumije, obavijestiti o pravima, i u smislu stava (1) ovog člana saopćiti razloge zbog kojih je lišen slobode. Maloljetnik će se poučiti i o sljedećim pravima:

- a) da nije dužan iznijeti svoju odbranu niti odgovarati na postavljena pitanja,
- b) da se smatra nevinim dok sud pravosnažnom odlukom ne utvrdi da je on počinio krivično djelo,
- c) da ima pravo na besplatnu pravnu pomoć branioca,
- d) pravo da ga, u prisustvu branioca, roditelja, odnosno staratelja ili predstavnika organa starateljstva, ispita tužilac ili ovlašteno službeno lice.

(6) Ovlašteno službeno lice dužno je maloljetno lice bez odgađanja, a najkasnije u roku od 12 sati, dovesti tužiocu i obavijestiti ga o razlozima i vremenu lišavanja slobode. Ako maloljetnik lišen slobode ne bude doveden tužiocu u ovom roku, bit će pušten na slobodu.

#### AMANDMAN XLVIII.

Iza člana 73. dodaju se novi članovi 74., 75., 76., i 77., koji glase:

##### “Član 74.

(Posebna pravila postupanja tokom lišavanja slobode)

(1) Maloljetnik lišen slobode dok se nalazi u policijskoj stanici i tokom zadržavanja u tužilaštvu smješta se u prostoriju tako da nije u kontaktu s odraslima.

(2) Dovođenje maloljetnika obavlja se na način koji štiti njegovo dostojanstvo i pretpostavku nevinosti.

(3) Maloljetniku će se prilikom lišavanja slobode i stavljanja u pritvor oduzeti predmeti u vezi s krivičnim djelom i koje ne smije imati u pritvoru, a ima pravo da zadrži lične stvari i pravo na odgovarajuću medicinsku njegu koja uključuje i ljekarski pregled nakon lišavanja slobode.“

#### B. Odredbe o pritvoru

##### Član 75.

(Pritvor)

(1) Pritvor se može odrediti ili produžiti samo pod uslovima propisanim zakonom i samo ako se isti cilj ne može ostvariti drugim mjerama.

(2) Pritvor se određuje ili produžava rješenjem suda na obrazložen prijedlog tužioca za maloljetnike a nakon što sud prethodno sasluša maloljetnika na okolnosti razloga zbog kojih se pritvor predlaže.

(3) Trajanje pritvora se svodi na najkraće nužno vrijeme i u toku cijelog postupka ukida čim prestanu razlozi na osnovu kojih je određen, a pritvoreni maloljetnik odmah pušta na slobodu.

(4) Pritvor se može ukinuti i po prijedlogu maloljetnika ili branioca koji se zasniva na novim činjenicama. U tom slučaju sudija, odnosno vijeće za maloljetnike postupit će u smislu člana 131. stav

(5) Zakona o krivičnom postupku.

##### Član 76.

(Odlučivanje tužioca nakon dovođenja maloljetnika lišenog slobode)

Nakon što je maloljetno lice dovedeno, tužilac je dužan bez odgađanja, a najkasnije u roku od 12 sati od dovođenja, ispitati maloljetnika i odlučiti da li će sudiji za maloljetnike staviti prijedlog za izricanje mjera zabrane iz člana 126. i člana 126a. do 126g. Zakona o krivičnom postupku pred Sudom BiH ili privremenog smještaja u smislu člana 100. ovog zakona ili za određivanje pritvora ili će ga pustiti na slobodu. Prilikom predlaganja tužilac će uvijek dati prednost mjerama zabrane, a potom mjeri privremenog smještaja, dok će pritvor kao krajnju mjeru predložiti samo ako se prethodnim mjerama ne može osigurati prisustvo maloljetnika tokom suđenja.

##### Član 77.

(Mjere zabrane)

(1) Kada su ispunjeni uslovi iz člana 132. stav (1) tačka a), b) i c) Zakona o krivičnom postupku pred Sudom BiH, sud može, na prijedlog stranaka ili branioca ili po službenoj dužnosti, prema maloljetniku umjesto određivanja i produženja pritvora odrediti mjere zabrane i to:

- a) zabranu napuštanja boravišta i putovanja;
- b) zabranu posjećivanja određenih mjesta ili područja;

- c) zabranu sastajanja s određenim licima;  
 d) naredbu da se privremeno javlja određenom državnom organu.  
 (2) Mjere zabrane se izriču u skladu s odredbama člana 126. i člana od 126a. do 126 g Zakona o krivičnom postupku.“

#### AMANDMAN XLIX.

Član 72. postaje član 78. mijenja se i glasi:

„Član 78.

(Određivanje pritvora)

- (1) Ako postoji osnovana sumnja da je maloljetnik počinio krivično djelo, sudija za maloljetnike može odrediti pritvor kad postoje razlozi predviđeni članom 132. stav (1) tačke a) do c) Zakona o krivičnom postupku BiH.  
 (2) Prije donošenja rješenja o određivanju pritvora sudija za maloljetnike će odmah o tom zahtjevu upoznati i saslušati maloljetnika i najkasnije u roku od 6 sati od prijema prijedloga tužioca, odlučiti o određivanju pritvora ili će maloljetnika pustiti na slobodu.  
 (3) Ako postoje okolnosti zbog kojih ne može postupati sudija za maloljetnike, o pritvoru će odlučiti sudija kojeg odredi predsjednik suda o čemu se obavještava sudija za maloljetnike.  
 (4) Protiv rješenja kojim je određen pritvor dozvoljena je žalba vijeću za maloljetnike iz člana 17. stav (3) ovog zakona u roku od 24 sata od momenta prijema ovog rješenja. Žalba ne zadržava izvršenje rješenja.  
 (5) Ako sudija za maloljetnike ne prihvati prijedlog tužioca za određivanje pritvora, donijet će rješenje kojim se prijedlog odbija i maloljetnika odmah pustiti na slobodu. Tužilac na ovo rješenje može uložiti žalbu, ali žalba ne zadržava izvršenje rješenja.  
 (6) U slučajevima iz st. (4) i (5) ovog člana, vijeće za maloljetnike dužno je odluku o žalbi donijeti u roku od 48 sati.“

#### AMANDMAN L.

Iza člana 78. dodaju se novi članovi 79., 80. i 81. koji glase:

„Član 79.

(Trajanje pritvora)

- (1) Po rješenju sudije za maloljetnike, pritvor može trajati 30 dana od dana lišavanja slobode uz obavezu vijeća za maloljetnike istog suda da vrši kontrolu neophodnosti pritvora svakih 10 dana uz prethodno izjašnjenje tužioca o preduzetim radnjama za period koji prethodi kontroli.  
 (2) Pritvor se odlukom vijeća za maloljetnike (član 17. stav (3)) po obrazloženom prijedlogu tužioca, može produžiti najduže za mjesec dana. Protiv rješenja vijeća dozvoljena je žalba o kojoj odlučuje vijeće apelacionog suda.  
 (3) O pritvaranju maloljetnika sudija za maloljetnike će odmah ili u što kraćem roku obavijestiti roditelja, staratelj ili ustanovu kojoj je maloljetnik povjeren na odgoj i čuvanje, kao i organ starateljstva.  
 (4) U toku pripremnog postupka, a prije isteka roka trajanja pritvora, sudija za maloljetnike može rješenjem ukinuti pritvor po prethodnom saslušanju tužioca za maloljetnike. Protiv tog rješenja tužilac ima pravo žalbe vijeću iz člana 17. stav (3) ovog zakona koje je dužno odluku donijeti u roku od 48 sati.

Član 80.

(Trajanje pritvora nakon završetka pripremnog postupka)

- (1) Nakon dostavljanja prijedloga za izricanje krivičnopravne sankcije, pritvor se na obrazložen prijedlog tužioca može produžiti po odluci vijeća iz člana 17. stav (3) ovog zakona, za još dva mjeseca uz kontrolu pritvora svakih mjesec dana.  
 (2) Protiv tog rješenja dozvoljena je žalba vijeću apelacionog suda iz člana 17. stav (2) ovog zakona. Žalba ne zadržava izvršenje rješenja.

Član 81.

(Pritvor nakon izricanja krivičnopravne sankcije)

- (1) Pritvor će se odmah ukinuti ako je sud donio rješenje da se prema maloljetniku obustavi postupak iz razloga predviđenih članom 283. (Presuda kojom se optužba odbija) od d) do f) Zakona o krivičnom postupku BiH i na osnovu člana 284. (Presuda kojom se optuženi oslobađa od optužbe), kad sud nađe da nije cjelishodno maloljetniku izreći odgojnu mjeru ili kaznu kao i kada izrekne neku od mjera upozorenja i usmjerenja ili pojačanog nadzora.  
 (2) Poslije izricanja zavodske odgojne mjere ili kazne maloljetničkog zatvora, pritvor može trajati najduže još dva mjeseca. Ako za to vrijeme ne bude izrečena drugostepena odluka kojom se potvrđuje

ili preinačava prvostepena odluka, pritvor će se ukinuti i maloljetnik odmah pustiti na slobodu. Ako u roku od dva mjeseca bude izrečena drugostepena odluka kojom se prvostepena odluka ukida, pritvor može trajati još 30 dana od izricanja drugostepene odluke.

(3) Ako se maloljetnik nalazi u pritvoru, a odluka kojom mu je izrečena zavodska odgojna mjera ili kazna maloljetničkog zatvora je postala pravosnažna, maloljetnik se može pustiti na slobodu do upućivanja u ustanovu za izvršenje zavodske odgojne mjere ili kazne.

(4) Pritvor se uvijek ukida istekom izrečene zavodske mjere ili kazne.

(5) Vrijeme provedeno u pritvoru ili ustanovama privremenog smještaja iz člana 100. i člana 109. ovog zakona, kao i svako lišavanje slobode u vezi s krivičnim djelom, uračunava se u vrijeme trajanja izrečene zavodske odgojne mjere i kazne maloljetničkog zatvora u skladu s članom 56. stav (1) Krivičnog zakona“.

#### AMANDMAN LI.

Član 73. postaje član 82. i u istom članu stav (2) briše se.

Dosadašnji stav (3) postaje stav (2), stav (4) postaje stav (3).

Dodaju se novi stavovi (4) i (5) koji glase:

"(4) Obilazak maloljetnika u pritvoru obavlja tužilac za maloljetnike.

(5) Po nalogu sudije i tužioca za maloljetnike, obilazak pritvorenog maloljetnika može obaviti svakih 20 dana stručni savjetnik suda i tužilaštva. O obilasku pritvorenika sačinjava se izvještaj koji je sastavni dio spisa.“

#### AMANDMAN LII.

Član 74. postaje član 83. i u istom članu u stavu (2) broj“60“ mijenja se brojem „62“.

#### AMANDMAN LIII.

Član 75. postaje član 84. i u istom članu u stavu (2) broj“84“ mijenja se brojem „93“.

#### AMANDMAN LIV.

Član 76. postaje član 85. i stav (1) mijenja se i glasi:

(1) Sudija za maloljetnike može na prijedlog tužioca odrediti da se maloljetnik u toku pripremnog postupka privremeno smjesti u prihvatilište ili sličnu ustanovu za prihvata maloljetnika, ako je to potrebno radi izdvajanja maloljetnika iz sredine u kojoj je živio ili radi pružanja pomoći, zaštite ili smještaja maloljetnika, posebno od iskušenja ponavljanja krivičnog djela.

U stavu (2) istog člana iza riječi "suda" dodaju se riječi: "u roku od 48 sati".

U istom članu stav (3) mijenja se i glasi:

"(3) Izvršenje privremenog smještaja provodi se prema odredbama koje važe za ustanove, a u pogledu dužine trajanja, kontrole opravdanosti trajanja ovog smještaja i drugih prava primjenjuju se odredbe ovog zakona koje se odnose na maloljetnike pritvorene u toku pripremnog postupka."

U stavu (4) iza riječi "sredstava" dodaje se riječ "suda".

#### AMANDMAN LV.

Član 77. postaje član 86. i u istom članu u stavu (3) broj“74“ mijenja se brojem „83“.

#### AMANDMAN LVI.

Član 78. postaje član 87. i u istom članu stav (1) i stav (2) mijenja se i glasi:

(1) Ako se sudija za maloljetnike ne složi s prijedlogom tužioca, jer nema osnova da se prema maloljetniku izrekne odgojna mjera ili da postoje razlozi iz člana 70. (*Primjena načela oportuniteta*) stav 3. ovog zakona ili postoje razlozi za predlaganje odgojnih preporuka iz člana 71. (*Razmatranje mogućnosti i opravdanosti primjene odgojne preporuke*), može donijeti rješenje o obustavi postupka ili zatražiti da u roku od tri dana o tome odluči vijeće za maloljetnike. Vijeće za maloljetnike odluku donosi po saslušanju tužioca.

(2) Vijeće može odlučiti da se predmet vrati tužiocu radi postupanja u smislu člana 71. ovog zakona ili odlučiti da sudija za maloljetnike postupi u smislu člana 88. (*Razmatranje mogućnosti i opravdanosti primjene odgojne preporuke*) ovog zakona ili da postupa po prijedlogu tužioca za izricanje krivičnopravne sankcije.

#### AMANDMAN LVII.

Član 79. postaje član 88. mijenja se i glasi:

"Član 88.

(1) Prije donošenja odluke hoće li se složiti s prijedlogom tužioca za izricanje odgojne mjere ili kazne maloljetničkog zatvora za krivična djela iz člana 86. (*Primjena principa oportuniteta*) stav (1) ovog

zakona ili nakon što vijeće za maloljetnike donijelo odluku u smislu člana 102. stav (2) ovog zakona, sudija za maloljetnike dužan je razmotriti mogućnost i opravdanost primjene odgojne preporuke. O takvom načinu rješavanja konkretnog slučaja, prirodi, sadržaju, trajanju, posljedicama primjene odgojne preporuke kao i posljedicama odbijanja saradnje, izvršenja i ispunjenja odgojne preporuke, sudija će obavijestiti maloljetnika i roditelje ili staratelje.

(2) Ako sudija za maloljetnike nađe da, s obzirom na prirodu krivičnog djela i okolnosti pod kojima je izvršeno, raniji život maloljetnika i osobine njegove ličnosti, vođenje postupka i izricanje odgojne mjere ili kazne maloljetničkog zatvora prema maloljetniku ne bi bilo cjelishodno, postupit će u skladu s odredbama člana 23 do 26. ovog zakona.

(3) Ako su ispunjeni uslovi za izricanje odgojne preporuke i nakon što uz saradnju i nadzor organa starateljstva maloljetnik ispuni obavezu preuzetu odgojnom preporukom, sudija za maloljetnike donijet će rješenje da neće postupati po prijedlogu tužioca za izricanje predložene sankcije i o tome obavijestiti oštećenog s uputstvom da svoj imovinskopravni zahtjev može ostvariti u parničnom postupku. Protiv rješenja sudije za maloljetnike žalba nije dozvoljena.

(4) Ako maloljetnik djelimično ispuni obavezu preuzetu odgojnom preporukom tako da kompenzacija još nije bila primljena putem odgojne preporuke, sudija za maloljetnike odlučit će na način predviđen u stavu (3) ovog člana kad nađe da izricanje sankcije prema maloljetniku ne bi bilo cjelishodno.

(5) Ako se na osnovu izvještaja organa starateljstva utvrdi da maloljetnik bez opravdanog razloga odbije da ispuni obavezu preuzetu odgojnom preporukom ili je neuredno izvršava, tužilac za maloljetnike donijet će naredbu o pokretanju pripremnog postupka.

(6) Prilikom razmatranja mogućnosti izricanja odgojne preporuke, priznanje maloljetnika da je učinio krivično djelo, ne može biti korišteno protiv njega u bilo kojem drugom naknadnom postupku."

#### **AMANDMAN LVIII.**

Član 80. postaje član 89. i u istom članu u stavu (1) broj "78" mijenja se brojem „87“.

#### **AMANDMAN LIX.**

Član 81. postaje član 90. i u istom članu u stavu (1) broj "78" mijenja se brojem „87“.

#### **AMANDMAN LX.**

Članovi 82., 83. i 84. postaju članovi 91., 92. i 93.

#### **AMANDMAN LXI.**

Član 85. postaje član 94. i u istom članu broj "76." mijenja se brojem „85.“.

#### **AMANDMAN LXII.**

Član 86. postaje član 95.

#### **AMANDMAN LXIII.**

Član 87. postaje član 96. i u stavu (1) broj „81.“ mijenja se brojem "90."

U istom članu iza stava (4) dodaje se stav (5) koji glasi:

„(5) Predsjednik suda osigurat će da predmeti maloljetničkog prijestupništva imaju prioritet u radu a na kraju godine sačinit će izvještaj s pregledom stanja tih predmeta, načina njihovog rješavanja, o preduzetim i planiranim mjerama radi postizanja efikasnosti u radu.“

#### **AMANDMAN LXIV.**

Član 88. postaje član 97.

#### **AMANDMAN LXV.**

Član 89. postaje član 98. i u stavu (1) broj "86." mijenja se brojem "95".

U stavu (4) iza riječi "roditeljima" dodaju se riječi: "odnosno starateljem."

U istom članu stav (5) mijenja se i glasi:

"(5) Na sjednicu vijeća za maloljetnike drugostepenog suda uvijek će se pozvati tužilac za maloljetnike, maloljetnik i branilac. Nedolazak stranaka i branioca koji su uredno obaviješteni o sjednici ne sprečava drugostepeni sud da održi sjednicu."

#### **AMANDMAN LXVI.**

Član 90. postaje član 99.

#### **AMANDMAN LXVII.**

Iza člana 99. dodaje se novi član 100. koji glasi

„ Član 100.

(Žalba na drugostepenu odluku)

(1) Protiv odluke drugostepenog apelacionog vijeća za maloljetnike dozvoljena je žalba u slučajevima:

ako je vijeće za maloljetnike apelacionog odjeljenja preinačilo prvostepenu odluku kojom je prema maloljetniku obustavljen postupak ili izrečena odgojna mjera iz člana 22. stav (1) tačka a) i b) ovog zakona i nakon održanog pretresa izreklo kaznu maloljetničkog zatvora ili zavodsku odgojnu mjeru iz člana 22. stav (1) tačka c) ovog zakona;

ako je vijeće za maloljetnike apelacionog odjeljenja na sjednici povodom žalbe izreklo kaznu maloljetničkog zatvora u dužem trajanju ili težu zavodsku mjeru od one koja je izrečena prvostepenom odlukom.

(2) O žalbi protiv drugostepene odluke odlučuje trećestepeno vijeće sastavljeno od trojice sudija određenih rasporedom poslova u tom sudu koji imaju posebna znanja iz oblasti prava djeteta i prijestupništva mladih.

(3) Odredbe člana 309. Zakona primjenjivat će se i na saoptuženog koji nije izjavio žalbu protiv drugostepene odluke.

(4) Pred ovim vijećem ne može se održati pretres.

#### **AMANDMAN LXVIII.**

Članovi 91., 92. i 93. postaju članovi 101., 102. i 103.

#### **AMANDMAN LXIX.**

Iza člana 103. dodaje se novi član 104. koji glasi:

„Član 104.

(Postupanje u odnosu na mjere sigurnosti)

(1) Ako se maloljetnik bez opravdanog razloga tokom trajanja odgođenog izvršenja kazne maloljetničkog zatvora ili uslovnog otpusta iz zavoda ili ustanove ne podvrgne ambulantnom liječenju na slobodi, sud može, na prijedlog tužioca ili na prijedlog ustanove ili ambulante u kojoj se maloljetnik liječio ili imao liječiti, organa starateljstva ili po službenoj dužnosti, odrediti da se sigurnosna mjera obaveznog psihijatrijskog liječenja ili obaveznog liječenje od ovisnosti prinudno izvrši u zdravstvenoj ili nekoj drugoj specijaliziranoj ustanovi ili će obustaviti izvršenje sigurnosne mjere ako utvrdi da je prestala potreba za liječenjem maloljetnika.

(2) Prije donošenja odluke iz stava (1) ovog člana sud će, ako je potrebno, pribaviti i mišljenje ljekara“.

#### **AMANDMAN LXX.**

Član 94. postaje član 105. i u stavu (1) broj „42“ i broj „43“ mijenjaju se brojem „44“ i brojem „45“.

U stavu (3) broj „89“ mijenja se brojem „98“.

U stavu (4) broj „43“ mijenja se brojem „45“ i iza riječi „osuđenom“ dodaju se riječi: „njegovom roditelju ili staratelju“.

#### **AMANDMAN LXXI.**

Član 95. postaje član 106. i broj „16“ mijenja se brojem „18“.

#### **AMANDMAN LXXII.**

Članovi 96., 97. i 98. postaju članovi 107., 108. i 109.

#### **AMANDMAN LXXIII.**

Član 99. postaje član 110., mijenja se i glasi:

„ Član 110.

(Zdravlje maloljetnika)

(1) Briga o zdravlju maloljetnika prema kojem se izvršava zavodska odgojna mjera ili kazna maloljetničkog zatvora bit će osigurana u skladu s prihvaćenim medicinskim standardima koji se primjenjuju prema maloljetnicima u široj zajednici.

(2) Maloljetnici prema kojima se izvršava zavodska odgojna mjera ili kazna maloljetničkog zatvora podvrgavaju se najmanje jednom godišnje sistematskom pregledu u odgovarajućoj zdravstvenoj ustanovi. Ovaj izvještaj bit će dostavljen sudiji i tužiocu za maloljetnike, roditelju ili staratelju maloljetnika kao i organu starateljstva.

(3) Posebna pažnja bit će posvećena potrebama trudnih maloljetnica i majki s dojenčadi, narkomana, alkoholičara, maloljetnika s fizičkim i psiho-fizičkim zdravstvenim smetnjama.

(4) Najmanje dva puta godišnje sastavlja se izvještaj o psihičkom stanju maloljetnika i dostavlja sudiji za maloljetnike koji provodi nadzor, odnosno ima uvid nad izvršenjem krivične sankcije iz stava (2) ovog člana, tužiocu za maloljetnike roditelju ili staratelju maloljetnika kao i organu starateljstva.“

#### **AMANDMAN LXXIV.**

Članovi 100. i 101. postaju članovi 111. i 112.

**AMANDMAN LXXV.**

Član 102. postaje član 113.

U istom članu stav (3) mijenja se i glasi:

„(3) Pojedinačnim programom posebno se utvrđuju: nivo zrelosti maloljetnika, druge osobine njegove ličnosti, mogućnost uključenja u proces obrazovanja i radnog osposobljavanja, korištenje i organizacija slobodnog vremena, rad s roditeljem, usvojiocem ili starateljem maloljetnika i drugih članovima njegove porodice, kao i drugi oblici psihosocijalnog, pedagoškog i penološkog uticaja na maloljetnika.“

**AMANDMAN LXXVI.**

Član 103. postaje član 114.

U istom članu stav (3) mijenja se i glasi:

„(3) O visini podmirenja dijela troškova smještaja, ishrane i zadovoljavanja drugih ličnih potreba maloljetnika odlučuje sud na prijedlog lica iz stava (2) ovog člana i može biti u visini iznosa minimalne plaće na nivou države koju utvrđuje zavod za statistiku za mjesec koji prethodi mjesecu odlučivanja ili u visini koju predloži podnosilac prijedloga. U ovom slučaju sud će najprije donijeti odluku o izricanju krivične sankcije, a nakon toga nastaviti postupak za odlučivanje o podmirenju dijela troškova i o tome donijeti posebno rješenje.“

**AMANDMAN LXXVII.**

Član 104. postaje član 115.

U istom članu u stavu (1) broj "103" mijenja se brojem "114".

U stavu (2) istog člana broj "103" mijenja se brojem "114".

**AMANDMAN LXXVIII.**

Članovi 105., 106., 107. i 108. postaju članovi 116., 117., 118. i 119.

**AMANDMAN LXXIX.**

Član 109. postaje član 120.

U istom članu u stavu (2) broj "92" mijenja se brojem "102".

**AMANDMAN LXXX.**

Član 110. postaje član 121. i u stavu (1) broj „23“ mijenja se brojem „25“.

U stavu (3) broj "13" mijenja se brojem "14".

U istom članu u stavu (4) broj "23" mijenja se brojem "25".

**AMANDMAN LXXXI.**

Član 111. postaje član 122. i u stavu (1) riječ „disciplinski“ mijenja se riječi „odgojni“.

**AMANDMAN LXXXII.**

Član 112. postaje član 123. i stav (2) mijenja se i glasi:

„ (2) Izvještaj o toku i rezultatima provođenja mjere dostavlja se na zahtjev sudije za maloljetnike, tužiocu za maloljetnike i organu starateljstva u toku samog trajanja mjere, po njenom isteku, a u slučaju kada je ova mjera određena u najdužem trajanju (tačka b)) stava (2) člana 26. ovog zakona, svakih 15 dana.

U istom članu u stavu (3) riječ „disciplinski“ mijenja se riječi „odgojni“.

**AMANDMAN LXXXIII.**

Članovi 113. i 114. postaju članovi 124. i 125.

**AMANDMAN LXXXIV.**

Član 115. postaje član 126. i u stavu (1) broj "92" mijenja se brojem „102“.

**AMANDMAN LXXXV.**

Članovi 116., 117., 118., 119., 120., 121., 122. i 123. postaju članovi 127., 128., 129., 130., 131., 132., 133. i 134.

**AMANDMAN LXXXVI.**

Iza člana 134. dodaje se novi član 135. koji glasi:

„Član 135.

(Prijem maloljetnika u zavod ili ustanovu)

(1) Prijem maloljetnika u zavod ili ustanovu vrši se na osnovu naloga o izvršenju sankcije koji izdaje sud.

(2) Nakon prijema u zavod ili ustanovu, maloljetniku će se, na jeziku i na način koji razumije, objasniti pravila zavoda ili ustanove, prava i obaveze koje ima, a u roku od 24 sata obaviti će se i medicinski pregled maloljetnika.

(3) Maloljetniku će se osigurati kopija pravilnika zavoda ili ustanove u kojoj se nalazi. Za maloljetnike koji su nepismeni ili ne razumiju jezik, ove informacije bit će prenesene na način koji osigurava njihovo potpuno razumjevanje.

(4) Dosjei maloljetnika koji sadrže podatke o identitetu, činjenicama i razlozima upućivanja u zavod ili ustanovu, organu koji je to odredio, dan i sat prijema, podaci o premještanju i otpuštanju, detalji o fizičkom i mentalnom zdravlju maloljetnika kao i obavještenja roditelju, usvojiocu ili staratelju, povjerljive su prirode i dostupni su samo ovlaštenom osoblju zavoda ili ustanove.“

#### AMANDMAN LXXXVII.

Član 137. postaje član 136., mijenja se i glasi:

#### Član 136.

##### (Prava maloljetnika)

(1) Maloljetnik prema kojem se izvršava zavodska mjera ima sljedeća prava:

- a) da mu se dozvoli da nosi vlastitu odjeću ako je pogodna, ako nema, da mu se osigura donji veš, sezonska odjeća i obuća primjerena lokalnim vremenskim uslovima. Pogodnom odjećom smatra se i odjeća koja nije degradirajuća ili ponižavajuća i koja ne predstavlja rizik za sigurnost;
- b) na ishranu koja je dijetetski, higijenski i zdravstveno prilagođena njegovom uzrastu, koja će ga održati u dobrom zdravlju i snazi i omogućiti normalan psihofizički razvoj;
- c) na najmanje tri obroka dnevno čija je ukupna kalorijska vrijednost najmanje 16.000 džula;
- d) da izvan zatvorenih prostorija, u slobodno vrijeme, na svježem zraku provede najmanje tri sata dnevno;
- e) da učestvuje u organiziranim kulturnim, sportskim i drugim prikladnim aktivnosti izvan zavoda ili ustanove;
- f) na osiguravanje uslova za bavljenje fizičkom rekreacijom i sportom;
- g) da pohađa nastavu izvan zavoda ili ustanove ako u tom zavodu ili ustanovi nije organizirana nastava određenog smjera ili obrazovanja i ako to opravdavaju dosadašnji uspjesi u odgajanju i školovanju maloljetnika, pod uslovom da ne šteti izvršenju odgojne mjere;
- h) na neograničeni prijem paketa čija se težina i dozvoljeni sadržaj određuju aktom o kućnom redu;
- i) da prima poštu i po vlastitom izboru komunicira pismeno ili telefonom najmanje dvaput sedmično;
- j) da prima informacije praćenjem štampe i drugih publikacija, radio i televizijskog programa, igranog filma, pristupom biblioteci, internetu ili na drugi prihvatljiv način koji promovira dobrobit maloljetnika;
- k) da ga jednom sedmično posjete roditelji, usvojlac, staratelj, bračni drug, lice s kojim je zasnovao vanbračnu zajednicu, usvojenik, djeca i ostali srodnici u prvoj liniji, a u pobočnoj liniji do četvrtog stepena srodstva;
- l) da sa bračnim drugom ili licem s kojim je zasnovao vanbračnu zajednicu jednom mjesečno provede do tri sata nasamo u, za tu svrhu, određenoj prostoriji u okviru zavoda ili ustanove;
- m) da ga dva puta mjesečno posjete i druga lica koja ne ometaju izvršenje odgojne mjere, s tim da zabranu posjete ovih lica može da izrekne upravnik zavoda ili ustanove koji će rješenjem dati obrazloženje za donošenje takve odluke;
- n) da ga posjete predstavnici vladinih i nevladinih organizacija, institucija i drugi koji su zainteresirani za pružanje pomoći maloljetniku u obliku obrazovanja, zapošljavanja ili smještaja u svrhu pripreme za povratak u zajednicu;
- o) da prema svojim mogućnostima radi u zavodu ili ustanovi saglasno obavezama u pohađanju nastave. Za maloljetnika koji ne pohađa nastavu, radno vrijeme traje shodno općim propisima. Maloljetnik se izvan radnog vremena može zaposliti najviše dva sata dnevno na održavanju čistoće i drugim tekućim poslovima zavoda ili ustanove;
- p) na naknadu za rad i novčane nagrade za posebne uspjehe u radu, čije najniže i najviše iznose određuje direktor uprave za izvršenje zavodskih sankcija ministarstva pravde, kao i pravo da polovinom naknade i nagrade slobodno raspolaže, a ostatak mu se stavlja na štednju, s tim da mu, izuzetno, upravnik može odobriti korištenje cijele naknade. Ni u kojem slučaju interes maloljetnika i njegov rad ne smiju biti podređeni ciljevima ostvarivanja profita ustanove ili za nekog trećeg;
- q) na dnevni i sedmični odmor shodno općim propisima;



- r) na godišnji odmor u trajanju od 18 do 30 dana koji se koristi izvan zavoda ili ustanove ili u okviru zavoda ili ustanove, s tim da o dužini, načinu i mjestu korištenja odlučuje upravnik, na prijedlog odgajatelja;
- s) na zdravstvenu zaštitu izvan ustanove, ako ustanova ne može da pruži odgovarajuću zdravstvenu zaštitu. Vrijeme provedeno na liječenju u odgovarajućoj zdravstvenoj ustanovi uračunava se u trajanje odgojne mjere;
- t) da porodica maloljetnika bude obaviještena o zdravstvenom stanju maloljetnika, a ako maloljetnik umre u roku od šest mjeseci od otpuštanja, da izvrši uvid u izvještaje provedene istrage;
- u) da u najkraćem mogućem roku bude obaviješten o smrti, ozbiljnoj bolesti ili povredi bilo kojeg člana uže porodice i da mu se osigura posjeta članu porodice ili prisustvo sahrani;
- v) ako želi, ima pravo da učestvuje u vjerskoj službi i u vezi sa tim da posjeduje i zadrži potrebne vjerske knjige i predmete za vjeroispovijedanje, kao i pravo da odbije sve oblike učešća u vjerskim i religioznim službama i obrazovanju;
- (2) Zavodi i ustanove pravilnikom mogu predvidjeti i druga prava kojima se promovira dobrobit maloljetnika i pomaže njegov povratak u društvenu zajednicu i preuzimanje produktivne uloge.

#### AMANDMAN LXXXVIII.

Član 138. postaje član 137., mijenja se i glasi:

„Član 137.  
(Pogodnosti)

- (1) Maloljetniku koji se dobro vlada i zalaže na radu upravnik zavoda ili ustanove može dodijeliti sljedeće pogodnosti:
- prošireno pravo na prijem posjeta;
  - slobodne izlaske iz doma u grad;
  - posjete sportskim, kulturnim i drugim prikladnim događajima izvan odgojno-popravnog doma;
  - posjete porodici, srodnicima ili drugim bliskim licima za vrijeme vikenda i praznika;
  - dodatno odsustva iz zavoda ili ustanove do 15 dana;
- (2) Prošireno pravo na prijem posjeta podrazumijeva i češće posjete lica iz člana 136. (*Prava maloljetnika*) tačka m) ovog zakona.
- (3) Upravnik može, u skladu s pravilnikom, maloljetniku dodijeliti i druge pogodnosti koje povoljno utiču na izvršenje odgojne mjere.“

#### AMANDMAN LXXXIX.

Iza člana 137. dodaju se novi članovi 138. i član 139., koji glase:

„Član 138.  
(Disciplinski prekršaji i postupak)

- (1) Imajući u vidu osnovne karakteristike, potrebe i prava maloljetnika, zavodi i ustanove će posebnim pravilnikom propisati koje ponašanje predstavlja disciplinski prekršaj, vrste sankcija koje se mogu izreći i njihovo trajanje, organ koji je ovlašten da izriče te sankcije, kao i organ ovlašten da razmatra žalbe.
- (2) Nijedan maloljetnik neće biti kažnjen za disciplinski prekršaj o kojem prethodno nije provedena istraga i o kojem maloljetnik, na njemu razumljiv način, prethodno nije obaviješten te mu data mogućnost da prezentira svoju odbranu, uključujući i pravo na žalbu .

Član 139.

(Zabranjene disciplinske mjere)

Disciplinske mjere koje uključuju uskraćivanje rada, smanjenje hrane, ograničenje komunikacije maloljetnika s članovima porodice, zatvaranje u mračne prostorije i samice, kolektivno kažnjavanje maloljetnika kao i druge disciplinske mjere koje degradiraju i ugrožavaju fizičko ili mentalno zdravlje maloljetnika zabranjene su.“

#### AMANDMAN XC.

Član 139. postaje član 140.i u stavu (1) tačka c) briše se.

Stavovi (2) i (3) mijenjaju se i glase:

- (2) Pogodnosti predviđene članom 137. stav (1) tačka d) ovog zakona mogu se ograničiti samo ako bi posjeta porodici, srodnicima ili drugim bliskim licima ugrozila fizičko i mentalno zdravlje maloljetnika

ili na drugi način ometalo izvršenje odgojne mjere o čemu upravnik donosi rješenje s razlozima za donošenje takve odluke;

(3) Ako se svrha disciplinske mjere može postići i bez njenog izvršenja, izvršenje disciplinskih mjera oduzimanja dodijeljenih pogodnosti može se uslovno odgoditi do tri mjeseca. Uslovno odgađanje izvršenja disciplinske mjere može se opozvati ako se maloljetniku u roku za koji je odgođeno izvršenje izrekne novo oduzimanje dodijeljenih pogodnosti.

U istom članu stavovi od (4) do (9) brišu se.

**AMANDMAN XCI.**

Član 140. briše se.

**AMANDMAN XCII.**

Član 141. mijenja se i glasi:

„Član 141.

(Zabrana nošenja i upotrebe oružja i ograničenja upotrebe sile i fizičke prinude)

(1) Zabranjeno je nošenje i upotreba oružja od strane osoblja zavoda i ustanova u kojima se izvršavaju zavodske odgojne mjere.

(2) Upotreba sredstava fizičke prinude i prisile iz bilo kojeg razloga je zabranjena, izuzev u slučajevima kada su druge metode kontrole iscrpljene ili bile neuspješne i samo na najkraće moguće vrijeme i u skladu s ovlaštenjima utvrđenim zakonom i propisima zavoda ili ustanove.

(3) Po naređenju direktora, sredstva prinude i prisile za privremeno onesposobljavanje mogu se primijeniti samo radi sprečavanja maloljetnika od samopovređivanja, sprečavanja fizičkog napada i povređivanja službenog lica i drugih maloljetnika ili uništenja imovine većih razmjera, a o čemu se obavještava tužilaštvo i ministarstvo pravde.“

**AMANDMAN XCIII.**

Član 142. mijenja se i glasi:

„Član 142.

(Pravilnik o kućnom redu)

Bliže odredbe o organizaciji i načinu izvršenja zavodskih odgojnih mjera sadržane su u pravilniku o kućnom redu zavoda i ustanove.“

**AMANDMAN XCIV.**

Član 124. postaje član 143. i u nazivu člana briše se riječ „smještenog“

**AMANDMAN XCV.**

Član 125. postaje član 144. i stav (3) mijenja se i glasi:

„ (3) Protiv rješenja sudije za maloljetnike, roditelj, usvojilac ili staratelj maloljetnika mogu, u roku od tri dana od prijema rješenja, podnijeti žalbu vijeću za maloljetnike istog suda. Vijeće za maloljetnike odlučit će o žalbi u roku od tri dana od prijema žalbe.“

**AMANDMAN XCVI.**

Član 126. postaje član 145.

**AMANDMAN XCVII.**

Član 127. postaje član 146.

**AMANDMAN XCVIII.**

Član 128. postaje član 147. i stav (4) mijenja se i glasi:

„ (4) U tom slučaju na maloljetnika se ne primjenjuju odredbe člana 148. (Upućivanja u odgojnu ustanovu) stav (4) i člana 153. (Odgojno-popravni dom) stav (4) ovog zakona.

**AMANDMAN XCIX.**

Član 129. postaje član 148. i iza stava (1) dodaju se st. (2) i (3) koji glase:

„ (2) Zavodska mjera upućivanje u odgojnu ustanovu izrečena licu muškog spola izvršava se u odgojnoj ustanovi za ta lica.

(3) Zavodska mjera upućivanja u odgojnu ustanovu izrečena licu ženskog spola izvršava se u odgojnoj ustanovi za maloljetnice ili u odvojenom ženskom odjeljenju odgojne ustanove iz stava (2) ovog člana.“

Dosadašnji st. (2), (3) i (4) postaju st. (4), (5) i (6).

**AMANDMAN C.**

Član 130. postaje član 149.

**AMANDMAN CI.**

Iza člana 149. dodaje se novi član 150. koji glasi:

„Član 150.  
(Prijem maloljetnika u ustanovu)

(1) Prilikom stupanja maloljetnika u odgojnu ustanovu, pridržavajući se odredbe člana 135. (Prijem maloljetnika u zavod ili ustanovu) ovog zakona, najprije će se utvrditi identitet maloljetnika, zatim slijedi lječarski pregled, a potom ispitivanje ličnosti u posebnom odjeljenju odgojne ustanove radi određivanja programa postupanja. Ovo ispitivanje može trajati najduže do 30 dana.

(2) Pojedinačni program postupanja s maloljetnikom sačinjava stručni tim.

(3) Poslije ispitivanja iz stava (1) ovog člana, maloljetnik se raspoređuje u odgojnu grupu koja se formira prema uzrastu, nivou zrelosti i drugim osobinama ličnosti maloljetnika, kao i određenom programu postupanja, s ciljem primjene istovrsnih odgojnih postupaka i uticaja.

(4) Odgojna grupa ima najviše deset maloljetnika i posebnog odgajatelja.“

**AMANDMAN CII.**

Član 131. postaje član 151. i u stavu (2) iza riječi „maloljetnika“ dodaju se riječi: „niti mu nauditi fizičko ili mentalno.“

**AMANDMAN CIII.**

Član 132. postaje član 152. mijenja se i glasi :

„Član 152.  
(Premještaj maloljetnika u drugu odgojnu ustanovu)

Na zahtjev maloljetnika, roditelja, usvojioca ili staratelja maloljetnika ili na prijedlog ustanove u kojoj se mjera izvršava, odnosno na prijedlog nadležnog organa starateljstva, sud može donijeti odluku o premještaju maloljetnika u drugu odgojnu ustanovu kada prvobitni kriteriji za upućivanje ili daljnja potreba za reintegraciju u društvo mogu biti efikasnije postignuti u drugoj ustanovi ili kada obrazloženi razlozi sigurnosti prebacivanje čine neophodnom mjerom.“

**AMANDMAN CIV.**

Član 133. postaje član 153.

**AMANDMAN CV.**

Član 134. postaje član 154. i u stavu (3) broj „123“ mijenja se brojem „134“.

**AMANDMAN CV.I**

Član 135. postaje član 155. i u stavu (2) broj „123“ mijenja se brojem „134“.

**AMANDMAN CVII.**

Član 136. postaje član 156. mijenja se i glasi :

„Član 156.  
(Prijem maloljetnika u odgojno-popravni dom)

Za prijem maloljetnika u odgojno-popravni dom važi odredba člana 150. (Prijem maloljetnika u odgojnu ustanovu) ovog zakona.“

**AMANDMAN CVIII.**

Član 143. postaje član 157., mijenja se i glasi:

„Član 157.  
(Ometenost u psihofizičkom razvoju)

(1) Maloljetnik kojem je zbog ometenosti u psihofizičkom razvoju ili zbog psihičkih poremećaja izrečena mjera upućivanja u posebnu ustanovu za osposobljavanje na osnovu odredbe člana 34. (Upućivanje u drugu ustanovu za osposobljavanje) ovog zakona, u toj ustanovi ima ista prava kao i ostali maloljetnici smješteni u ustanovu

(2) Ako se u ustanovi za osposobljavanje ne mogu zadovoljiti potrebe maloljetnika s invaliditetom, maloljetnik će biti prebačen u specijalizirani zavod ili ustanovu gdje se ove potrebe mogu zadovoljiti.“

**AMANDMAN CIX.**

Član 144. postaje član 158., i u stavu (4) briše se tačka i dodaju se riječi: „niti mu nauditi fizički ili mentalno.“

**AMANDMAN CX.**

Član 145. postaje član 159., mijenja se i glasi:

„Član 159.  
(Izvjestavanje)

Posebna ustanova za osposobljavanje i liječenje maloljetnika o rezultatima izvršenja mjere dostavlja izvještaj u smislu člana 102. (Izvještaj o ponašanju maloljetnika) stav (1) ovog zakona, a kada maloljetnik postane punoljetan, posebno izvještava sudiju za maloljetnike i tužioca za maloljetnike o zdravstvenom stanju maloljetnika radi ispitivanja potrebe za donošenje jedne od odluka predviđenih stavom (3) člana 34. (Upućivanje u drugu ustanovu za osposobljavanje) ovog zakona.“

**AMANDMAN CXI.**

Član 146. postaje član 160. i u stavu (1) iza riječi „maloljetnike“ dodaju se riječi: „muškog spola“.

U istom članu stav (2) mijenja se i glasi:

„(2) Osuđena lica kaznu maloljetničkog zatvora izdržavaju, po pravilu, zajedno, a odvojeno saograničenim brojem maloljetnika u ćeliji, ako to zahtijeva njegovo zdravstveno stanje, razlozi osiguranja sigurnosti i održavanja reda i discipline u kaznenopopravnom zavodu, pod uslovima predviđenim članom 141. (*Zabrana nošenja i upotrebe oružja i ograničenja upotrebe sile i fizičke prinude*) ovog zakona i način koji podrazumijeva odgovarajući stražarski nadzor.“

**AMANDMAN CXII.**

Član 147. briše se.

**AMANDMAN CXIII.**

Član 148. postaje član 161., mijenja se i glasi:

„Član 161.  
(Vrijeme ostanaka u kaznenopopravnom zavodu radi školovanja  
ili stručnog osposobljavanja)

(1) Osuđeni na kaznu maloljetničkog zatvora u kaznenopopravnom zavodu za maloljetnike može ostati najduže do navršene 23 godine, a ako do tada ne izdrži kaznu, u odnosu na njega postupit će na način propisan članom 160. stav (4) (*Odvojeni kazneno-popravni zavodi*) ovog zakona.

(2) Izuzetno, u kaznenopopravnom zavodu za maloljetnike osuđeni može ostati i nakon što je navršio 23 godine, ako je to potrebno radi završavanja školovanja ili stručnog osposobljavanja ili ako ostatak neizdržane kazne nije duži od šest mjeseci, ali najduže do navršene 25. godine.“

**AMANDMAN CXIV.**

Članovi 149., 150., 151. i 152. brišu se.

**AMANDMAN CXV.**

Član 153. postaje član 162. i iza stava (3) dodaje se novi stav (4) koji glasi:

„(4) Ako je maloljetnik izdržao kaznu u trajanju propisanom u stavu (3) a njegovo ponašanje tokom izdržavanja kazne ukazuje da, u smislu člana 30. ovog zakona, nije postignuta svrha kažnjavanja, zahtjev za uslovni otpust će se odbiti i maloljetnik o tome obavijestiti. „

U istom članu stav (4) postaje stav (5).

**AMANDMAN CXVI.**

Član 154. postaje član 163. mijenja se i glasi:

„Član 163.  
(Shodna primjena odredbi ovog zakona i zakona o izvršenju krivičnih sankcija)

(1) Odredbe člana 134. (Dostava dokumentacije i odluke nadležnom organu za izvršenje), člana 135. (Prijem maloljetnika u zavod i ustanovu), člana 136. (Prava maloljetnika), člana 137. (Pogodnosti), član 138. (Disciplinski prekršaji i postupak), član 139. (Zabranjene disciplinske mjere), člana 140. (Disciplinske mjere), član 141. (Zabrana nošenja i upotrebe oružja i ograničenja za upotrebu sile i fizičke prinude) i člana 142. (Pravilnik o kućnom redu), člana 144. (Odgajanje izvršenja zavodske mjere), člana 145. (Prekid izvršenja zavodske mjere) ovog zakona shodno se primjenjuju i u odnosu na maloljetnika kojem je izrečena kazna maloljetničkog zatvora.

(2) U svemu ostalom na izvršenje kazne maloljetničkog zatvora shodno će se primijeniti odredbe zakona o izvršenju krivičnih sankcija ako nisu u suprotnosti s odredbama ovog zakona.“

**AMANDMAN CXVII.**

Član 155. postaje član 164., mijenja se i glasi:

„Član 164.

(Posebna odjeljenja za izvršenje mjera sigurnosti)

(1) Izvršenje mjere sigurnosti obaveznog psihijatrijskog liječenja, obaveznog liječenja od ovisnosti prilagođava se uzrastu i ličnosti maloljetnika.

(2) Mjera obaveznog psihijatrijskog liječenja, kad se ne stiču uslovi iz člana 71. stav (1) (Obavezno psihijatrijsko liječenje) Krivičnog zakona BiH i mjera sigurnosti obaveznog liječenja od ovisnosti iz člana 172. stav (1) Krivičnog zakona BiH, izvršavaju se u posebnom odjeljenju zdravstvene ustanove određene za maloljetnike ili u drugim specijaliziranim zdravstvenim ustanovama, a mjera sigurnosti ambulantnog liječenja na slobodi, u ambulanti koja se određuje na prijedlog organa starateljstva koji prati izvršenje sigurnosnih mjera i o tome svaka tri mjeseca obavještava tužioca, roditelja ili staratelja maloljetnika i sud.

(3) Maloljetnik u zdravstvenoj ustanovi ili specijaliziranoj ustanovi ili na ambulantom liječenju ostaje sve dok ne prestanu razlozi zbog kojih je izrečena mjera sigurnosti ali najduže do isteka trajanja odgojne mjere ili kazne maloljetničkog zatvora ili dok traje odgođeno izvršenje ove kazne ili uslovni otpust iz zavoda ili ustanove.

(4) Kada su ispunjeni uslovi iz člana 104. (Postupanja u odnosu na mjere sigurnosti) ovog zakona, sud će preduzeti predviđene mjere u svrhu osiguranja provođenja izrečenih sigurnosnih mjera.“

**AMANDMAN CXVIII.**

Članovi 156. i 157. postaju članovi 165. i 166.

**AMANDMAN CXIX.**

Član 158. postaje član 167., mijenja se i glasi:

„Član 167.

(Vrste pomoći)

(1) Nakon izvršenja krivične sankcije, nadležni organ starateljstva će u kontaktu i saradnji s nadležnim ministarstvima i drugim vladinim i nevladinim organizacijama, institucijama, preduzećima, pojedincima, naročito maloljetniku pružiti pomoć u pronalaženju smještaja i sredine u kojoj će živjeti, dovršetku započetog obrazovanja i stručnog osposobljavanja, liječenju radi zaštite njegovog fizičkog i duševnog zdravlja, pronalaženju zaposlenja, osiguranju ishrane, odjeće i finansijskih sredstava za druge važne potrebe radi omogućavanja njegovog ponovnog integriranja u društvenu zajednicu.

(2) Predmet posebne brige organa starateljstva u smislu stava (1) ovog člana bit će maloljetnici bez ikakvog staranja i porodičnog okruženja, oni koji su bez odgovarajućeg roditeljskog staranja, kao i druge osjetljive grupe djece.“

**AMANDMAN CXX.**

Član 159. postaje član 168.

**AMANDMAN CXXI.**

Član 160. postaje član 169. i u stavu (1) broj „159“ mijenja se brojem „168“.

**AMANDMAN CXXII.**

Član 161. postaje član 170. i u stavovima (2), (4) i (5) broj „159“ mijenja se brojem „168“.

U istom članu u stavu (6) broj „65“ mijenja se brojem „67“.

**AMANDMAN CXXIII.**

Članovi 162., 163. i 164. postaju članovi 171., 172. i 173.

**AMANDMAN CXXIV.**

Član 165. postaje član 174. i broj „159“ mijenja se brojem „168“.

**AMANDMAN CXXV.**

Član 166. postaje član 175.

**AMANDMAN CXXVI.**

Član 167. postaje član 176. i broj „39“ mijenja se brojem „41“.

**AMANDMAN CXXVII.**

Član 168. postaje član 177. i broj „44“ mijenja se brojem „46“.

**AMANDMAN CXXVIII.**

Član 169. postaje član 178.

**AMANDMAN CXXIX.**

Član 170. postaje član 179.i iza stava (1) dodaje se novi stav (2) koji glasi:

„ (2)Predmeti iz stava (1) ovog člana koji se nalaze u fazi pripremnog postupka bit će odmah dostavljeni tužilaštvu, a ako je u toku izvršenje pojedinih istražnih radnji, u roku od osam dana od dana stupanja na snagu ovog zakona.“

U istom članu dosadašnji stav (2) postaje stav (3).

**AMANDMAN CXXX.**

Član 171. postaje član 180.i u stavu (2) brišu se riječi „člana 72“.

**AMANDMAN CXXXI.**

Članovi 172. i 173. postaju članovi 181.i 182.

**AMANDMAN CXXXII.**

Član 174. postaje član 183., mijenja se i glasi:

„Član 183.

(Prestanak važenja)

(1) Vijeće ministara BiH dužno je u roku od tri mjeseca od stupanja na snagu ovog zakona uputiti Parlamentarnoj skupštini BiH prijedloge izmjena Krivičnog zakona BiH, Zakona o krivičnom postupku BiH kao i Zakona BiH o izvršenju krivičnih sankcija, pritvora i drugih mjera.

(2) Ako do dana početka primjene ovog zakona ne budu izmijenjeni zakoni iz stava (1) ovog člana, umjesto odredbe poglavlja X. Krivičnog zakona BiH o maloljetnicima i poglavlja XXVI. Zakona o krivičnom postupku BiH kao i Zakona BiH o izvršenju krivičnih sankcija, pritvora i drugih mjera BiH primjenjivat će se odredbe ovog zakona.

(3) Parlament Federacije BiH, Narodna skupština Republike Srpske i Skupština Brčko Distrikta BiH uskladit će odredbe svojih krivičnih zakona, zakona o krivičnom postupku i zakona o izvršenju krivičnih sankcija s ovim zakonom najkasnije u roku od tri mjeseca od dana stupanja na snagu ovog zakona.

(4) Odredbe krivičnih zakona, zakona o krivičnom postupku, zakona o izvršenju krivičnih sankcija, kao i zakona o sudovima, zakona o tužilaštvima, zakona o advokaturi, zakona o prekršajima, zakona o socijalnoj zaštiti i drugih općih propisa moraju biti usklađeni s ovim zakonom, najkasnije u roku od šest mjeseci od dana stupanja na snagu ovog zakona.“

**AMANDMAN CXXXIII.**

Član 175. postaje član 184. i riječi „ 1.marta 2009.“ mijenjaju se riječima: „ 1. 1. 2010. godine.“

Komisija, bez glasova „za“, sa sedam glasova „protiv“ i bez „suzdržanih“ glasova, nije prihvatila amandman I poslanika Bakira Izetbegovića koji glasi:

**AMANDMAN I**

U članu 44. riječi „ neće se izvršiti“ mijenjaju se riječima „biće zamjenjena uslovnom kaznom“.

U tački a) riječ: „pet“ mijenja se riječju: „sedam“, u tački b) riječ: „tri“ mijenja se riječju: „pet“ a u tački c) riječ: „ dvije“ mijenja se riječju:“tri“.

Komisija, bez glasova „za“, sa sedam glasova „protiv“ i bez „suzdržanih“ glasova, nije prihvatila amandmane I,II, III, IV, V, VI i VII poslanika Sefera Halilovića koji glase:

**AMANDMAN I**

U članu 34. stav (2) mijenja se i glasi:

„(2)Ako je od pravosnažnosti odluke kojom se izriče odgojna mjera upućivanja u disciplinski centar za maloljetnike proteklo više od šest mjeseci,a izvršenje nije započeto,sud će ponovo cijeniti o potrebi izvršenja navedene mjere.Pri tome sud može odlučiti da se ranije izrečena mjera izvrši ili da se zamjeni nekom drugom mjerom.“

**AMANDMAN II**

U članu 65. dodaje se stav (3) koji glasi:

„(3) Lice koje objavi tok krivičnog postupka prema maloljetniku ili pri objavljivanju pravosnažne odluke objavi ime maloljetnika ili druge podatke iz kojih bi se mogao utvrditi njegov identitet,kao i lice

koje u svrhu objavljivanja vrši video ili audio snimanje toka postupka kaznit će se novčanom kaznom od 1.000 do 5.000 KM.“

#### AMANDMAN III

U članu 88. stav (2) mijenja se i glasi:

„(2) Ako je prema maloljetniku izrečena odgojna mjera sud može maloljetnika, odnosno maloljetnikove roditelje, usvojioca ili staraoca obavezati na plaćanje troškova krivičnog postupka i na ispunjenje imovinskopravnog zahtjeva.“

#### AMANDMAN IV

U članu 88. dodaje se novi stav (3) koji glasi:

„(3) Ako je postupak prema maloljetniku obustavljen, troškovi postupka padaju na teret budžetskih sredstava, a oštećeni se radi ostvarivanja imovinskopravnog zahtjeva upućuje na parnicu.“

#### AMANDMAN V

U članu 88. raniji stav (3) koji postaje stav (4) mijenja se i glasi:

„(4) Ako maloljetnik, odnosno usvojilac ili staralac imaju prihode ili imovinu sudija za maloljetnike može odrediti da navedena lica snose troškove krivičnog postupka i ispune imovinskopravni zahtjev oštećenog i onda kada sudija za maloljetnike nađe da nije cjelishodno prema maloljetniku izreći kaznu maloljetničkog zatvora ili odgojnu mjeru.“

#### AMANDMAN VI

U članu 92. stav (2) mijenja se i glasi:

„(2) Nadležni organ starateljstva dužan je da svaka tri mjeseca dostavlja izvještaje sudu i tužilaštvu o izvršenju ostalih odgojnih mjera. Sudija za maloljetnike ovaj izvještaj može tražiti u kraćem roku, a može odrediti da to učini i odrežena sručna osoba (socijalni radnik, defektolog i dr.).“

#### AMANDMAN VII

U članu 151. iza stava (2) dodaje se novi stav (3) koji glasi:

„(3) Odsustvo iz stava (1) može se odobriti nakon što maloljetnik izdrži najmanje jednu četvrtinu izrečene kazne maloljetničkog zatvora.“

Postojeći stav (3) postaje stav (4).

Nakon rasprave, sa pet glasova „za“, bez glasova „protiv“ i sa dva „suzdržana“ glasa, Komisija je:

- prihvatila tekst Prijedloga zakona o maloljetnim počiniocima krivičnih djela i krivičnopravnoj zaštiti djece i maloljetnika sa usvojenim amandmanima i predlaže Predstavničkom domu njegovo usvajanje;
- odlučila da se za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje predsjedavajući Komisije Šefik Džaferović.

U prilogu izvještaja Komisija dostavlja tekst prečišćenog Prijedloga zakona koji sadrži sve usvojene amandmane.

#### **Ad.6. Prijedlog zakona o službenom glasilu BiH, predlagač: poslanik Adem Huskić (postupak u nadležnoj komisiji u skladu s članom 110. Poslovnika Doma);**

Na prijedlog zakona nije bilo podnesenih amandmana te je Komisija nakon rasprave jednoglasno:

- prihvatila tekst Prijedloga zakona o dopuni Zakona o službenom glasilu Bosne i Hercegovine i predlaže Predstavničkom domu njegovo usvajanje;
- odlučila da se za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje predsjedavajući Komisije Šefik Džaferović.

#### **Ad.7. Prijedlog zakona o advokaturi, predlagač: Vijeće ministara BiH (donošenje odluke o organizovanju javne rasprave u skladu s članom 114. Poslovnika Doma);**

Nakon rasprave Komisija je jednoglasno odlučila da će se javna rasprava održati u četvrtak 26.02.2009. godine u zgradi institucija Bosne i Hercegovine, Trg BiH 1., bijela sala , sprat II, s početkom u 10 sati. Odlučeno je da se na javnu raspravu pozovu predstavnici: Vijeća ministara BiH, Ministarstva pravde BiH, Ministarstva za ljudska prava i izbjeglice BiH, Visokog sudskog i tužilačkog vijeća BiH, Suda BiH, Tužilaštva BiH, Ombudsmani BiH, Federalnog ministarstva pravde, Ministarstva pravde RS, Predsjednik Ustavnog suda BiH, Predsjednik Ustavnog suda FBiH, Predsjednik Ustavnog suda RS, Vrhovnih sudova FBiH i RS, predstavnici kantonalnih ministarstava pravde, Pravosudne komisije Brčko Distrikta BiH, Advokatske komore Federacije Bosne i Hercegovine i Advokatske komore Republike Srpske.

**Ad.8. Prijedlog zakona o izmjenama i dopunama Zakona BiH o izvršenju krivičnih sankcija, pritvora i drugih mjera (donošenje odluke o organizovanju javne rasprave u skladu s članom 114. Poslovnika Doma);**

Nakon rasprave Komisija je jednoglasno odlučila da će se javna rasprava održati u utorak 3.3.2009. godine u zgradi institucija Bosne i Hercegovine, Trg BiH 1., bijela sala , sprat II, s početkom u 10 sati.

Odlučeno je da se na javnu raspravu pozovu predstavnici: Vijeća ministara BiH, Ministarstva pravde BiH, Ministarstva za ljudska prava i izbjeglice BiH, Ombudsmani BiH, Suda BiH, Tužilaštva BiH, Vrhovnih sudova FBiH i RS, tužioci FBiH i RS, ministarstava pravde FBiH i RS, Pravosudne komisije Brčko distrikta BiH, predstavnici Advokatske komore Federacije BiH, Advokatske komore Republike Srpske, predstavnici pritvorske jedinice Suda BiH, predstavnici kazneno-popravnih zavoda: Banja Luka, Bihać, Busovača, Foča, Istočno Sarajevo, Orašje, Mostar, Sarajevo, Tuzla, Zenica, predstavnici vaspitno-popravnih domova: Banja Luka, Bijeljina, Doboј i Trebinje.

**Ad.9. Ostala pitanja:**

- **Izvjestaj o radu Komisije za 2008. godinu (razmatranje izvještaja u skladu s članom 31.stav (2) Poslovnika Doma);**

Predsjedavajući je otvorio raspravu u kojoj je učestvovao član Komisije Lazar Prodanović. On je konstatovao da u tabeli prisustva sjednicama Komisije postoje određene greške te je zatražio da se ponovo izvrši provjera iste.

Nakon rasprave Komisija je jednoglasno usvojila Izvjestaj o radu za 2008. godinu uz predložene popravke.

- **Akt Ministarstva za ljudska prava i izbjeglice BiH u vezi sa zaključnim napomenama UN Komiteta za građanska i politička prava broj 01/1,02/1-50-2-1253/08 od 20.11.2008. godine;**

Predsjedavajući Komisije je otvorio raspravu u kojoj su učestvovali Momčilo Novaković, Martin Raguž, Drago Kalabić i Šefik Džaferović.

Nakon rasprave Ustavno-pravna komisija je jednoglasno usvojila sljedeće odgovore:

- Izbor delegata u Dom naroda Parlamentarne skupštine Bosne i Hercegovine i članova Predsjedništva Bosne i Hercegovine uređen je članom IV odnosno članom V Ustava Bosne i Hercegovine;
- U skladu sa Ustavom BiH, u Predsjedništvo BiH i u Dom naroda Parlamentarne skupštine BiH biraju se predstavnici Bošnjaka, Srba i Hrvata kao konstitutivnih naroda;
- Pitanje uključivanja ostalih u ove institucije moguće je samo na osnovu ustavnih promjena.
- Poslovnica oba doma Parlamentarne skupštine Bosne i Hercegovine (članom 133. Poslovnika Predstavničkog doma, odnosno članom 129. Poslovnika Doma naroda) propisano je da se prijedlozi



amandmana razmatraju i da se o njima sprovodi javna rasprava. Takva javna rasprava se u ovom trenutku u Parlamentarnoj skupštini ne vodi.

Međutim, u političkim strankama, medijima i javnosti uopće već duže vrijeme vodi se debata o potrebi promjene Ustava Bosne i Hercegovine.

- **Utvrđivanje prijedloga i mišljenja za Orijentacioni radni plan Predstavničkog doma Parlamentarne skupštine Bosne i Hercegovine - Dopis predsjedavajućeg Doma broj 0150-1-14-40/09 od 26.1.2009. godine (razmatranje dopisa u skladu s članom 60. stav (2) Poslovnika Doma).**

Predsjedavajući je otvorio raspravu u kojoj je učestvovao član Komisije Martin Raguž.

Nakon rasprave, Komisija je jednoglasno odlučila da će u 2009. godini u skladu sa svojom nadležnošću utvrditi prijedloge prečišćenih tekstova slijedećih zakona:

- Zakona o Sudu BiH;
- Zakona o Tužilaštvu BiH;
- Zakona o krivičnom postupku BiH;
- Izbornog zakona BiH;
- Zakona o sukobu interesa u institucijama vlasti BiH.

Ustavnopravna komisija će u skladu sa svojom nadležnošću, takođe, utvrditi i konačne prijedloge autentičnih tumačenja pojedinih odredbi zakona, na osnovu zahtjeva za autentičnim tumačenjima koji se nalaze u proceduri autentičnog tumačenja pred nadležnim komisijama, kao i provesti javnu raspravu o prijedlogu amandmana na Ustav BiH.

S obzirom da nije bilo više pitanja, sjednica je završena u 11:30 sati.

**SEKRETAR KOMISIJE**  
Igor Bajić

**PREDSJEDAVAJUĆI KOMISIJE**  
Šefik Džaferović